

興化文獻選輯

古代莆田仙遊為海說

張比吉

自仙遊東南，至莆田一帶，古代皆為海。三代以降，因泥沙沖積，形成平原，尚未有居民也。漢武帝時，閩越王郢，避漢兵威南來，歷徙越王峯（在莆田縣廣業里，內有越王台），鷄子城（在仙遊縣東五里）等處，此為莆田仙遊最古之歷史。游洋志據漢書朱買臣傳，越王更徙處南行，去泉山五百里，居太澤中（即今越王峯），所歷之地，多有遺跡。當時踪跡，皆在山中，而不在平原，足徵當時莆仙二邑尚無平原也。仙遊舊志云：滄海桑田之說，極有理而難解，山居之民，每掘地得螭房殼及船板舵櫓等物，於鳴峰山尤數見，（鳴峯山在仙遊縣南一十五里，宋志作鳴山，天將不鳴，殷：若雷，山頂有鳳穴，穴中螭殼似室而

方。又云：山顛之殘牆斷碇，不知何年停擢。近東鄉各保，因掘井或蓄池，屢發見有古代航海之物。余為是鄉人，稔聞鄉人得此物者甚屢。趙宋以前，木冬陂未成，海中之水可泝流至仙遊靈波，則仙邑東南各里，當時為海水可知矣。興化府志莆田縣志：九華山亦名陳岩山，有仙篆石粘蟻石，宋正字方翥詩：『何人登眺覽絕頂，一樹一石探幽奇，虫文鳥篆不可識，如讀岫嶠神禹碑，繫々礧山著石面，此非所有能無疑。細看大石深孔竅，舟人採篙跡猶遺。』迺知此山千載前，洶湧尚作海渺渺。蛟龍魚鼈占窟宅，不省造化能甚移。宋柯左東詠壺公山詩，亦有『峯上今猶蟻化石，穴底時有蟹尋湫』句，則九華壺公二山，均有蟻石，古代皆在海中可知。證之山海經閩在海中之說，洵不虛。

也。宋志謂大孤嶋小孤嶋在縣東七十里海上，今則二嶋完全在於大陸，並非海也。元時，姑青舖長贍設有陡門，至今存在，其下為沙堤村，實當時之海堤也。清光緒二十八年，壺公山麓善卿因亢旱掘井，得有船槓等物。是年東華村又掘有船桅及棕索，皆古代渡海之具，此最近掘地之確証。又莆城舊府署內有一大錨，民國裁府治，此錨被人擄去，則府署亦係古代之停泊地，莆城外篸塘村（今南公園）塘水有鹹質，其下溝頭邨，至今尚為鹹田，則莆田之地，離為海時期，最遠亦不過千四五百年之間耳。獨惜作志者於古蹟流傳，視為疑案而不詳細說明，故列叙見聞，俾考古者有所徵信焉。

興化民族之遷移

張寄民

興化民族，皆由北方遷來，晉永嘉二年，中州衣冠始入閩者八族，所謂林、黃、陳、鄭、詹、邱、何、胡是也。時中原多事，畏難懷居，無復北嚮者，故六朝間仕宦名蹟，鮮有聞也。廣明之亂，王氏父子，據有全閩，號不知書，然一時浮光士族，多與之俱南，後頗折節下士，開學館以育材，其從子延鈞，以啟迪人才為己任，凡唐末士大夫避地而南者，王氏率皆厚禮延納，作招賢院以館之，風氣寢與上國埒，而興化民族漸由是興焉。

林氏自晉安郡王祿始入閩，祿係晉黃門侍郎潁次子也，世居濟南，遷下邳，後奉勅守晉安郡，即今泉州，因家焉。祿十世孫右丞茂，於隋開皇三年，由晉江遷甯北螺村。

為九牧闕下祖。茂六世孫韜，於唐天寶三年授諫議大夫，
遷禮部侍郎。子尊官戶部郎中，尊第三子攢官福唐尉，母
卒，廬墓，貞元十三年詔立雙闕，為闕下房祖，韜弟披，
官太子詹事兼蘇州別駕，贈睦州刺史，九子皆官刺史，號
九牧林。長子葦官端州刺史，開前隸。次子藻，官江陵府
使，為東房祖。三子著官橫州刺史，缺嗣。四子薦官韶州
刺史，為石亭祖。五子曄，官通州刺史，為前街双石坑边
深巷諸房祖。六子蘊，官邵州刺史，為夏井、材行、竹澗
、南門、棠村、留橋、井頭諸房祖。七子蒙官循州刺史，
居閩縣。八子邁，官同州長史，改商州雷氏刺史，居閩縣
長樂、龍溪各地。九子莚官福唐州刺史，為仙游房祖。興化
林氏不外此九牧闕下兩派也。

黃氏興先光州固始人。晉馬南浮，隨徙侯官，至璞始自三山移莆之涵江黃巷。黃巢亂兵入閩，焚蕩室廬，至璞居曰：「此儒者家」，滅炬而過，璞官崇文閣校書郎，子五人：仁藻著作郎，仁渥太子正字，仁湏御史裏行，仁渭著作佐郎，與璞同時館職，号一門五學士，仁颯擢武舉。璞從弟湏，由侯官遷莆東里，號東黃，乾寧二年進士，除四門博士，尋遷御史裏行，光威武軍節度推官。王審知據有全閩，而終其身爲節將者，湏規正有力焉。未幾，朱梁移國，足跡不復西，中州名士，若李洵，韓偓，羅隱，崔道融輩避地閩中，悉主於湏，莆文章家以湏爲初祖云。湏寄兄璞詩，有「縱徵終不起，相與避烟塵」，待到中兴日，同看上國春」句，其子孫先後遷仙者甚夥，故仙遊黃氏多

屬陷后。

陳氏自黃帝三十傳至滿備三恪之封，為陳氏鼻祖。迨

敬仲奔齊，改姓田氏，后伯軫遭秦亂，避居潁水，復姓為

陳。滿三十六傳至太邱實，與荀淑齊名，漢孝桓時，太史

奏德星見，五百里內有賢人聚太邱，生子六，紀諡最賢，

紀字元方，諡字季方，元方子孫多移居河以北，季方子孫

多移居江以南，季方之曾孫潤當晉永嘉二年，由光州來尹

福州，為入閩始祖，蓋黃帝至是已七十世矣。洎隋大業十

二年，潤十一世孫邁率兵鎮莆陽，是為入興郡始祖。仙遊

陳氏多屬邁之裔。邁裔在莆為望族，若宋之俊卿文龙，九

代八太師，即今之玉湖派。玉湖入仙始祖坤，為邁十五世

孫。飛錢，仙始祖郇，為邁第七子，五象入仙始祖禧，為

邁十六世孫，侯峯入仙始祖唐殿中侍御史嶠，為邁第九世孫。谷目，龜城入仙始祖大將士，為邁十三世孫。其自中原流宦此間，或由他郡遷來者，如玉井入仙始祖儀齋。由泉州遷來，科山入仙始祖敬一，由惠安大渡遷來。竟要窮源，無非一脈。陳靖為邁裔，居莆城，嘗隱宅為興化軍治，居橄欖巷，即今陳宅，後分支於仙之谷目、龜城。

鄭氏自滎陽入閩，遠祖昭，嘗過泉之莆口，愛其風土，因遷祖墳於南山葬焉。至陳時露與弟莊淑，自永泰徙莆，廬護墓側，據南山之勝，構書堂以修儒業，時作篇章以訓子弟，於是莆人化之，始興學。吳四輔源謂露豪傑士也，業儒於比屋，未為儒之時，事詩書於舉國不事詩書之日，莆之衣冠文物，實自露兄弟開先之也。露子孫居郡城各地。

，宋衛尉少卿濟其也。莊自南湖卜宅福興里尋洋，溪東
溪西兩先生及狀元樞相儔，皆其也。莊子積，仕唐為金
紫光祿大夫。孫方迂殿中丞上騎都尉，又折居廣業里霞溪
。迨宋末，復徙瓢湖。淑遷仙之輩橋，明民部尚書紀其也
也。我興化民族，此四大族，最為發達。

至於詹氏，自入閩后歷徙莆田驛頂，及仙遊大圳水流
尾等處，清孝廉詹涵珠其後也。

邱氏徙居莆田花亭，及仙游折桂之瀨下科井，興太之
石牌枯月澄石白厝等處。又有一派邱氏居郡城刺桐巷，至
明時有孝子名添德，徙居水南之象店。

胡氏大部係徙居閩之崇安，人文崔起，胡安國胡寅其
後也，分文於仙之鯉湖及瀨下等處。

何氏居於莆田何寨仙遊后街及朱陽等處，其血統之遺傳，人口之生聚，視四大族為差。

自此八族外，其他種族來居者甚繁：

王氏世居光固，唐光啟亂入閩，居三山王巷，遠祖逢仕閩為銀青光祿大夫檢校工部尚書，子居楷二人，由閩遷仙邑奎山，（即西鄉烏台村）以御史回得名，昔為烏台，今俗穀轉為烏頭，嘗買田置倉於壺山之麓，因名其地曰王倉，後楷遂析居焉。居居奎山，至六世孫回，第宗熙寧進士，官御史，名列完碑，崇寧鈞黨之變，奎山房屋燬於山寇，回元孫思振避於折桂里錦井田舍二十年，遂循東下崑崙之麓，卜居雲莊，嗣是子孫散處邑東西，凡東石下雲前溪系蔣各派，自雲莊分也，更溯而上之，莆陽壺山王倉各派

，自奎山分也。

蔡氏古濟陽人，始祖用元自光州固始，輔王審知入閩，據泉州，仕南唐為司空，卜居仙遊慈孝里蕉坑，五代孫孫襄登天聖五年首甲，仕至端明殿學士，謚忠惠，季子少傳是遷於浙右。吳曾孫成承叔祖特進伸公澤，為仙遊縣令，得臨舊縣，因家于何嶺之東，曰東蔡。尋移濟川東沙崇福，迨明太祖時，其裔伯祿，屯種廣業里霞州，自是世居焉。裏同高祖弟京，當時由仙遊慈孝里赤嶺遷莆田東沙。傳氏其先自光固从王潮入閩，數傳至仁瑞，始徙家仙遊傳園。至輯以龍圖閣待制知亳州，子孫擢第者二十餘人。唐招討使張濬，河間人，天復三年居洛陽長水墅，因朱全忠圖篡唐，將害已，乃南適仙邑蜚山之麓家焉，濬遊

九鯉湖前詩曰：谷口（在洛陽）逃名日，尋真逐野心，春
雲迷曲徑，曉露濕單襟，翻瀑驚飛雪，鳴灘訝聽琴，最憐
逸興發，白髮浪相侵。游洋誌又載濬遊九鯉湖詩云：此地
神仙跡，乾坤別世間，青山長自在，流水不知還，炉伏黃
金火，鼎藏白石丹，松高玄鶴舞，湖潤老龍翻，玉筋垂秋
漢，珠簾捲暮巒，幽靈通一夢，毛骨亦生寒，至今濬第宅
在大蜚山下，俛在龍墟犬眠山，宋理學名儒葆光處士弼，
仙遊縣志載其為濬后裔，且蜚麓子孫相传歷一千餘年，張
家家譜，言之綦詳，而通鑑書朱全忠杀左僕射濬，綱目書
盗杀張濬，唐書旧唐書二史皆称濬在長水墅為朱全忠牙將
楊麟所杀，誤矣，今而后知作史者亦為雲漢之詩也。寶珠
張氏，由宋忠臣趙國公張世傑殉國，遺妻孥於興化，留寶

珠為記，今莆田西埔沙仙遊土寨，均為越國子孫，稱曰寶珠張氏。橫塘出於唐河南節度使張九皋之後，由曲江入閩，徙居機唐后，又由橫塘析仙居之塔兜。

陸氏為秀夫之後，宋丞相陸秀夫鎮江鹽城人，當恭宗北去，秀夫先入閩撫民，行至楓亭，蔡曰忠邀至家，為題其堂曰進思，跋數語系之詩，其跋曰侍郎蔡忠惠后，有曰忠曰慧者，家庭師友，詩禮過庭，伯兮曰旅舍翁，取青蓮天地万物之意，別闢一室於赤嶺，邀至其堂，為書進思，以策其後進。又詩曰：族與權奸京下別，聿修厥德念先人，遐思當日端明老，荔樹棠陰赤嶺春。曰忠見秀夫，甚欽慕之，其女荔娘未字，有文名，孝慧勤敏，曰忠與妻楊氏篤愛之，慎以許人，見秀夫，欲女之，秀夫是時盡手其家

妻子从行，曰忠款以荔娘副其室，引聖母顏氏为问。荔娘曰：非顏女无以啟孔宗，德哉聖母。曰忠遂以女与秀夫为蓬室，成婚於印石之活水亭。五月孟王即位於福州，改元景炎，未幾入海，帝舟过莆田壺公山白雲院，尋次醴泉里嵩山護国寺，秀夫及其妻子皆从之，尋又舟至楓亭。曰忠因秀夫请，以女从行，楊太后止之，亦未有詔諭也，秀夫獨挈妻子以从。景炎三年帝崩，是为端宗，衛王即位於岡州，改元祥兴，以秀夫为左丞相兼樞密使。迨兴化军既破，元唆都屠城三時，血流有声。荔娘故名高貢女士也，自其得侍秀夫，益以忠臣妇自期，请从浮海負戈从王，以故祥兴改元，詔书及之，既又报闻秀夫貳室留楓，有孕得男，太后名之曰釗，文天祥因有二僂语賀曰：陸相夫人生陸子。

，楓亭誕孕拜楓宸，而荔娘从行浮海之信益不緩矣。適有
詔諭曰：爾左丞相陸秀夫，盡忠宋室，尔随朕駕飄流，当
留男子于楓，以奉祖先，永嗣续昌后裔，時至乎澄清世，
欽尔則朕乃慰，自是荔娘及劉居楓以俟。迨元弘範衣崖山
，張世傑继维奪港而去，秀夫尽白同寅，遍告侍从，其白
同寅曰：日食晝陰，波翻浪浩，海猶如此，何以图复，不
肖實不忍言所终矣。其告侍从曰：身豈秀夫所私有哉，天
下之事之所寄也，今事既如此，念国之有忠义，猶天地之
有元氣，天地非元氣不運，国非忠义不立，秀夫惟知忠义
以立国而已，固闢幹旋，在乎天地，秀夫不以身为私有也
，人皆感激誓死。秀夫杖劍而起，超躍大呼，哀号悲憤，
自題曰惜楓。惜楓者，惜留楓人不及並驱，指蔡及劉也。

又其詩曰：爺娘依地下，妻子入海中，懿旨留楓者，惜胡
了若躬，乃又走帝舟慟謝，秀夫等未如之何，作詩与众共
訣，徇國尽忠，呼天指海曰：武微武微，憾弗能飛，咫尺
天威，國事皆非，天祿永終，歷數匪躬，君臣魚水，輔主
龍宮，乃先驅妻子入海，即負帝同溺，后宮諸臣从死者七
众，其后劉長大時，却元聘，既居不仕，生子二，玖三居
楓亭，玖五居醴泉，玖三曾孫昭，应明太祖徵辟，授御史
，後遷戶部主事，至於仙遊县前陸氏田头店陸氏，則由楓
亭分支也。

涵江孔氏，出於聖裔孔仲良，孔仲良曲阜人，孔聖四
十一世孫，唐寶厯間知莆田县，卒于官，子孫因家於莆之
涵江，旋有析居於仙之楓亭者，宋時先賢朱子守漳，过楓